

鬥氣夫妻 (馬師曾撰曲)

(本曲譜共7頁)

(本曲譜原唱馬師曾 鳳凰女)

生▲反線賽龍奪錦頭▼時常大家拗頸，唔該你咪咁任性，

▲口白▼實在算點得㗎，唔該你，你算點呀你？

旦▲口白▼我問你呀，你算點呀？

▲起二王▼實在嫁着啲咁嘅老公，容乜易會肺：癆，病：症呀

我(上)。

生▲序白▼我重衰呀我，

▲接二王下句▼我娶個老婆娶着你，我一世屈：氣，難：清

(尺)：▲一才收▼

旦▲口白▼笑話，淒涼咯，可憐咯，乜嘢咁緊要呀？而家屈死未

呀？

生▲口白▼好話叻，死就未死得，都唔爭得幾遠咯話畀你聽呀，

▲即禿唱二王▼晚晚陪你去舞場，呢個老：公，衰到絕：頂

(上)。

旦▲唱序▼你自己擺、攞掃興、

生▲唱曲▼你成晚陪人跳舞，我就看：你嘅手袋，拍烏：蠅

(尺)：。

旦▲唱序▼點解唔搵番個嚟傾吓，

生▲唱曲▼你跳啲森巴，㗎喇查，跳到你週：身，扭扭擰：擰

(上)。

旦▲唱序▼我唔、喜歡跳啲文靜㗎我，

生▲唱曲▼你就風頭十足叻，我就睇：到，肉緊心：驚(尺)：。

且▲唱序▼你頭、腦太唔清，

生▲唱曲▼你重好似減價平沽，我就好似涼：茶，一碗碗賣：剩

(上)。

且▲唱序▼你講得真係無情性嘍叻，

生▲唱曲▼你就跳到成身臭汗，累到我：索，薄荷：冰(尺)。

且▲唱序▼咁你分明搵我做阿丁啫，

生▲唱曲▼我重慘過做龜公，真正衰：得，冇：影(上)。

▲包才▼

▲口白▼做着你個老公，真係衰呀，調轉頭你做我得唔得呀！

且▲口白▼乜嘢唔得呀，如果我做着你呀都唔知幾光榮呀，

▲禿唱中板下句▼你做着我丈夫，本應有人將我讚頌，你

就覺得無限咁，光：榮(合)。我是閩秀名：門，又生得

美貌嬌嬌，在交際場中，我善於馳騁(上)。你太過自私

，無厘丈夫氣慨，冇人捧我就乜架，都丟清(合)。

▲直轉土工花▼慘得過我交際馳名，

▲插白▼真係笑話叻，

▲續唱花▼乜嘢叫做任性呀(上)。

▲口白▼你唔想人讚我，可以娶隻豬番嚟呀，爲乜嘢事幹要娶

個美艷嬌妻啲！

生▲口白▼唉咗咗咗乜嘢咁美艷呀你，你妖冶咋你，

且▲口白▼笑話，我乜嘢咁妖冶呀，

生▲禿頭中板▼睇見就真骨痺，成晚扭身扭勢，逢人去賣，賣

弄風情(上)。

旦▲序白▼我冇你咁衰，
生▲續唱▼你重鬼咁呀 肉酸^{X L X}，

旦▲序白▼乜嘢咁肉酸呀，

生▲續唱▼露出背脊與共胸前，重慌怕未曾^{X L X}，夠誘惑性^{X L X}（尺）。

旦▲序白▼你話囉，

生▲續唱▼幾乎肚皮 都睇見^{X L X}，正係坦胸露臂^L，你衫褲^{X L X}，可以剝

清^{X L X}（上）。

旦▲序白▼冇你咁好氣呀，

生▲續唱▼你連腳趾甲 都搽紅^{X L X}，有絲襪你都唔穿^L，你真衰^{X L X}，衰

到絕頂^{X L X}（尺）。

旦▲序白▼你至衰呀，

生▲續唱▼在人前嚟 賣弄^{X L X}，整成風騷扭擰^L，試問你是否^{X L X}，妖冶

情形^{X L X}（上）。

旦▲口白▼我費事同你講，你個自私鬼，人哋睇吓你個老婆都唔

啱嘅，我教你呀，打個金箱番嚟成個裝住我呀，

生▲口白▼我就想喇，

旦▲口白▼你想啫，我唔制呀，睇你個衰樣，重抵得人哋去游泳嘅？

生▲禿頭板眼二流▼講到游泳^X，重冇興^X（工）：衣裳分兩截^X，重

醜過遊刑^X（士）：肉體暴露人前^X，極盡誘惑性^X（上）。幾乎

薄到乜都見清^X（工）：妖冶迷人^X，真係衰到絕頂^X（上）。而

家講起^X，我都火起無名^X 合合·尺乙士合尺乙士上合·士伙

·仁合^X。

▲直轉二流▼我係你個老公，點畀得我個老婆，畀人睇到
有剩(上)。

且▲口白▼你唔想我畀人睇可以同我離婚呀，

生▲口白▼哎咁我唔敢呀，

且▲口白▼點解呀？

生▲口白▼你係上將個女呀嗎，

且▲口白▼咁你謙啫，

生▲口白▼我費事同你講，我出去瞓覺，我出去飲酒，

且▲口白▼唉呀，真係畀佢激死我叻，成日咁嗌交有乜好呀，呀

，等我唱支歌咋，

(頭架)

▲螺黛▼乙士合士上·士合任·合·(士合士合·)尺工六·
人：：要學：調情，增：加

工六工尺上·(尺上尺上·)工尺上工尺·(工尺工尺士)
高……：興，相：愛心傾，

合任合士上尺工·尺乙士上合·(士合士合)飯飯·士合·
調：情：唱：歌表：達：明，我叫一聲，

士合飯·士合·尺·五六反六工·六·(五六五六·)尺工
愛哥兄，情深：永……：訂，對：

六·工六工尺上、
君心：恭：敬，

生▲花鼓芙蓉▼我醉聽歌聲，撩情添逸興(上)。佢好似如

怨如慕最動情(士)。

▲序白▼入去睇吓佢點咋，

▲續唱▼我醉看嬌花，惹起我風流嘅品性(上)。

▲直轉二王▼勿把芳衾辜負，一於憐：我，憐：卿（尺）。

旦▲口白▼入嚟做乜嘢呀！

生▲白攬▼哦呢張床係我嘅，你承認唔承認，現在乜嘢時候？更
深已人靜，狗都要馴覺，我係人就好難頂，唔該你去馴咯，
唔好刁喬，夾扭擰，

旦▲接白攬▼頭先你唔係話我一身都係爛臭汗嘅？累你成日索住
咽啲薄荷冰，而家我啲臭汗，未曾乾，無謂聞到你頭擰擰
▲口白▼想馴呀，你個野，躡出廳呀！

生▲口白▼乜嘢出廳呀！

旦▲口白▼梗係啦，乜嘢唔出廳呀！

生▲口白▼好，男人大丈夫，冇所謂，你叫出唔係出，出唔係出
，出廳！

旦▲口白▼真係激死喇，話佢兩句真係出廳嗰，死啦，我平時鬼
咁怕黑，鬼咁怕靜添，你就好啦，重馴到咁稔添，有辦
法，不如開着個收音機嚟嘈住你先咋，▲開收音機介▼

生▲口白▼唉吔開收音機呀，嘈住我，收咗佢！▲關收音機介▼

旦▲口白▼點解要收咗佢呀，我鍾意聽野！我係要開呀！

▲開收音機介▼

生▲口白▼你重係咁我係要關咗佢！

旦▲口白▼哎吔真係畀你激死咯，人哋想聽吓嘢都唔得，你咁樣
做法我去告你，話你精神虐待，

生▲口白▼告：告乜嘢呀，

生▲秃頭二王▼你成晚咁嘈，你擺：景，抑或贈：慶（上）。

旦▲序白▼我鍾意呀，我鍾意呀，

生▲序白▼試吓吓你，

旦▲續唱▼我非常咁怕寂寞，我要聽：吓，歌：聲（尺）。

生▲接唱▼我明早一早就番工，我焉：能，畀你咁任：性。

旦▲接唱▼你是否精神虐待，唔該你快：快，言：明（合）。

▲序白▼係咪蝦死我呀？

生▲序白▼蝦乜嘢呀！

▲續唱▼你夠虐待你個丈夫啦，你要：嘈，我偏偏要：靜

（上）。

旦▲口白▼你有乜嘢理由唔畀我嘈呀，人哋聽吓嘢都唔畀啦囉，

我係要嘈！

生▲口白▼你試吓呀！

旦▲口白▼我係要嘈！

生▲口白▼哦嘈嘈，大家鬥嘈！

▲喝口令白▼立正！大步走！

▲唱進行曲▼上·上合工·上合上上合合合上·合工·上

合上工合上合合合工上·上工合合·合上工六·合合合工上

·上工合合·合上、

上尉▲喝口令白▼立正！報告！

士兵▲口白▼一二，

上尉▲口白▼咦，乜嘢事幹呀，也得兩個番嚟，第三個去咗邊處

呀？

士兵▲□白▼報告上尉，第二個話尋晚個老婆開收音機嘈住佢，

唔記得起身，

上尉▲□白▼乜嘢話？老婆收音機嘈住佢呀，同佢離婚啦！

士兵▲□白▼報告上尉，佢話佢老婆係上將個女，佢唔敢同佢離

婚啲，

上尉▲□白▼哦，咁就難講咯，不如咁啦我教佢，你買包毒藥番

嚟將佢毒死，咁就有晒事咯！

且▲□白▼你死啦，駛乜咁黑心呀男人大丈夫，我話你吖，有膽

嘅就一刀殺死佢吖我話你聽，

生▲□白▼殺死，殺死，你啲咁嘅衰女人，我而家想起，重係蝴

蝶至好，

且▲□白▼哦蝴蝶呀，唔怪知你成日掛住佢，我都唔知收到你幾

多信咯，原來你咁嘅，好，我而家馬上去話畀阿爹聽，你坐

監至低限度都要坐七年！

生▲唱滾花▼我一於趕去東京見蝴蝶，向她講明（上）。

（此曲完）

香港仙樂曲藝社製作，粵曲工尺歌譜，深圳韋基印刷公司有售



（一九八〇年創辦）

香港仙樂曲藝社製作，粵曲工尺歌譜，可在（亞立粵曲天地）網或仙樂網頁 www.68893333.com 免費下載或電郵免費索取曲譜 sinlokmusic@yahoo.com.hk

雷氏粵曲教材系列 香港仙樂曲藝社出品
雷桂開 葉慧芬 葉愛蓮編輯 盧挺豐校對

（本曲唱片由天聲唱片公司發行）